



DIOCESE OF THE ARMENIAN CHURCH OF AMERICA  
ԱՌԱՋՆՈՐԴՈՒԹԻՒՆ ՀԱՅՈՑ ԱՄԵՐԻԿԱՅԻ ԱՐԵՒԵԼԵԱՆ ԹԵՄԻ

Archbishop Khajag Barsamian, Primate

Թիւ 2004  
Մարտ 16, 1995

Արժանաշնորհ  
Տ. Եփրեմ Քհնյ. Գլխեան  
Հովիւ Ա. Մեսրոպ Եկեղեցոյ  
Նախագահ Ծխական Խորհուրդի  
Ռէյսին.

Սիրելի Տէր Եփրեմ,

Ստացած ենք համայնքիդ Անդամական Ժողովի տեղեկագիրները եւ Փետրուար 12, 1995 թուակիր ձեր նամակը, որով կը տեղեկացնէք թէ համայնքիդ Տարեկան Անդամական Ժողովը գումարուած է Փետրուար 12, 1995-ին, եւ այդ առթիւ ընտրուած են Ծխական Խորհուրդի չորս անդամներ: Կու տաք քուէարկութեանց արդիւնքը եւ կը խնդրէք նորընտիր անդամներու վաւերացման պաշտօնագիրը:

Այս գրութեամբ կը վաւերացնենք Ծխական Խորհուրդի հետեւեալ անդամներու ընտրութիւնը.

Միշէլ Սահակեան  
Մերի Ծանիքեան  
Սու Ներսէսեան  
Ծէք Քազարեան

Բարի եղէք շուտով Առաջնորդարան դրկել Ծխական Խորհուրդի նորընտիր դիւանի անդամներուն անունները, հասցէները եւ հեռաձայնի թիւերը:

Այս առթիւ ձեր ուշադրութեան կը յանձնենք հետեւեալները. Հնչուն դրամի հաշուեկշիռը (էջ 11) չի համապատասխանէր հնչուն դրամի հաշուեկշիռին (էջ 9), որ կը պակսի տեղեկագրին մէջ: Էջ 12-ի վրայ չէ յիշուած հաշուական տեղեկագիրներուն աղբիւրը: Համաձայն Կանոնադրութեան՝ Տարեկան Ժողովի դիւանի ընտրութիւնը եւս պէտք է կատարուի գաղտնի քուէարկութեամբ եւ երկպատիկ ցանկի վրայէն: Ծխական Խորհուրդի տեղեկագիրը պէտք է ստորագրուի Հովիւին, ատենապետին եւ ատենադպիրին կողմէ:

Կ'օրհնենք Ծխական Խորհուրդի նոր կազմը, եւ կը մաղթանքն է որ Տէրը Իր հովանիին ներքեւ պահէ համայնքիդ անդամները եւ բոլորիդ եկեղեցանուէր աշխատանքներուն յաջողութիւն պարգեւէ:

Սիրոյ ողջունիւ

ԽԱԺԱԿ ԱՐԹ. ՊԱՐՄԱՍԵԱՆ  
Առաջնորդ